



Presidi svizzer da la OSCE 2026

**DIALOGUE
TRUST
SECURITY**

Preamblel

La Svizra surpiglia il presidi da l'Organisaziun per la segirezza e la cooperaziun en l'Europa (OSCE) per la terza giada en sia istorgia. Quai è in'onur, ma er ina gronda responsabladad per mes pajais.

50 onns suenter Helsinki èn ils principals che han pussibilità la segirezza europeica indeblids. La OSCE ch'è vegnida concepida en in clima da confidenza en las reglas cuminaivlas, agescha ussa en in ambient da grondas tensiuns geopoliticas, sin in continent ch'è segnà da la guerra da la Russia cunter l'Ucraina.

Jau sun persuadi che schizunt ils conflicts ils pli profunds han sfessas, tras las qualas passa la glisch – ina glisch fragila, intscherta, ma reala. La OSCE sto esser pronta, sch'ina fanestra – er sch'ella è stretga – avess da s'avrir per ina deescalaziun, ina pausa da cumbat u la fin da questa guerra cun sias consequenzas devastantas. Pronta d'observar, da verifitgar, da documentar e d'accompagnar. Pronta da daventar puspè quai ch'ella è gia adina stada en muments decisivs: in'actura imparziala, preschenta al lieu, in segn da stabilitad. Quai è nossa plivalur unica.



Dialogue
Trust
Security

Il multilateralissem po sa proteger da sia atgna erosion – nus pudain al far reviver, sche nus agin cun luciditad. Nus stuain turnar enavos a la basa da nossa organisaziun: ils principals da Helsinki¹ ed ina segirezza che sa basa sin reglas cuminaivlas e sin il respect da la suveranità e tar la quala il dialog vegn adina avant la forza. Quests principals ch'èn francads en la Charta da las Naziuns Unidas n'èn betg in patrimoni simbolic, ma in manual d'agir che nus stuain applitgar cuminaivlamain.

Questa finamira ambiziosa po be vegnir cuntanschida cun il sustegn dals stadis participants, da las autoritads da la OSCE e da tut ils acturs che han prestà d'emprim enà ina contribuziun impurtanta per l'organisaziun. Jau m'allegri da pudair quintar cun questa dinamica collectiva.

L'onn 2026 surpiglia la Svizra il presidi da la OSCE cun ina persuasiun simpla: cura che la diplomazia para d'esser nunpussai-vla, daventa ella indispensabla. Nus stuain mussar, che la OSCE è buna da satisfacer a questa pretensiun. En in mund instabil è la clerezza ina responsabladad.

Ignazio Cassis
Chairman-in-Office
Cusseglia federal
Schef dal Departament federal
d'affars externs DFAE

¹ L'Act final da Helsinki è disponibel qua:
www.osce.org/helsinki-final-act

Prioritads dal presidi svizzer da la OSCE

1. Principis da Helsinki per ina pasch duraivla

En vista a la guerra en l'Europa s'engascha la Svizra per ina pasch gista en l'Ucraina, che sa basa sin il dretg internaziunal e sin ils principis da Helsinki. Ella vegn a metter sia experientscha da mediaziun en il servetsch dal dialog, da la confidenza e da la segirezza.

La OSCE mobilisescha ses instruments en tut las trais dimensiuns per contribuir ad ina pasch gista e duraivla en l'Ucraina e per preparar l'avegnir. Areguard la prevenziun e la schliaziun da conflicts sto ella esser abla d'agir svelt al lieu. Il respect dals principis da Helsinki è ina premissa per ina segirezza duraivla en l'Europa.

2. Diplomazia multilaterala inclusiva

Sin l'unica plattafurma che reunescha l'Europa, ils Stadis Unids e la Russia, vegn la Svizra a promover in dialog avert davart la segirezza. Ella vegn a sustegnair la cooperaziun en connex cun la cybersegirezza, ils instruments politics e militars e la prevenziun da conflicts, sa basond sin sia neutralitad e sin sia tradiziun da mediaziun.

La OSCE procura per chanals da communicaziun averts per pudair far da mediatara tar dumondas da segirezza, er tranter stadis da conflict. Ella tracta en moda sistematica dumondas en connex cun la controlla da l'armament ed il management da las ristgas militaras. En il cybersector metta ella l'accent sin mesiras da confidenza cleras per prevegnir escalaziuns involuntaras. Questas mesiras vegnan approfondadas ad ina conferenza dal presidi.

3. Anticipaziun da las tecnologias – per in avegnir segir ed uman

Las tecnologias transfurman noss avegnir. La Svizra vegn a sustegnair ina governance che sa concentrescha sin la persuna e che collia la scienza et la diplomazia, surtut en ils secturs aua, energia e segirezza digitala.

Sa basond sin las novas tecnologias vul la OSCE rinforzar sia efficacitad e sia effizienz. Ina conferenza dal presidi svizzer vegn a sa fatschentar cun la tschertga da soluziuns per las sfidas transnaziunalas, surtut en ils secturs aua ed energia, sco er cun la rolla da la diplomazia scientifica tar l'anticipaziun da las novas tecnologias.

4. Democrazia, stadi da dretg e dretgs umans

La Svizra vegn a rinforzar la rolla da las instituziuns democraticas e la protecziun da las libertads fundamentalas. Ella vegn a sustegnair las missiuns al lieu e l'observaziun electorala da la OSCE per che la democrazia ed ils dretgs umans restian en il center da la segirezza europeica.

Ils dretgs umans èn per la segirezza precis uschè relevants sco l'economia e l'ambient. En vista a la crisa dal multilateralissem rinforza la OSCE en moda sistematica la collavuraziun cun autras organisaziuns internaziunalas, sco la ONU ed il Cussegl da l'Europa, per pudair agir en moda pli coerenta ed efficacitad. L'accent vegn mess sin la resilienza da las democrazias, surtut tras il sustegn d'elecziuns libras e transparentas, da proceduras legislativas crediblas e da l'indipendenza da la giustia.

5. Abilitad d'agir da la OSCE

Malgrà las tensiuns resta la OSCE indispensabla. Mintga crisa suttastritga la necessitad da reformas. La Svizra vegn a s'engaschar per satisfar a quest basegn e per proteger uschia ils instruments essenzials – missiuns, observaziun electorala – e segirar lur finanziaziun.

La OSCE concentrescha sias resursas sin las activitads, tar las qualas ella ha in avantatg comparativ. Grazia a las reformas instradadas daventa la OSCE pli efficacitad ed ella s'orientescha a cleras finamiras. Ella duai esser abla da transfurmar las restricziuns dal budget en decisiuns strategicas per l'avegnir. Las missiuns localas da la OSCE en il Balcan dal Vest, en Moldavia ed en l'Asia Centrala restan in instrument central da prevenziun e segirezza per identifitgar ad uras las tensiuns e per limitar la ristga d'ina escalaziun regionala.

Conferenzas dal presidi svizzer da la OSCE

Quatter conferenzas internaziunalas vegnan organisadas en Svizra per approfondar las prioritads dal presidi.

**«Cumbatter l'antisemitissem:
dumagnar las sfidas en connex cun
l'intoleranza e la discriminaziun»
Son Gagl, 9–10 da favrer 2026**

L'emprima conferenza da l'onn vegn a sa fatschentar cun il cumbat cunter l'antisemitissem e las autras furmas d'intoleranza. La finamira è da mussar si las tendenzas actualas e da rinforzar la cooperaziun tranter ils stadis participants ed ils acturs da la societad civila. En il center dals barats vegnan ad esser las mesiras da prevenziun concretas, la diffusiun da bunas praticas sco er la rolla dal sport en il cumbat cunter l'odi e la discriminaziun.

**«Anticipaziun da las tecnologias – per
in avegnir segir ed uman»
Genevra, 7–8 da matg 2026**

Questa conferenza è deditgada a la dumonda, co ch'ils progress scientifics e tecnologics transfurman la segirezza e la cooperaziun en l'Europa. Las debattas vegnan a sa concentrar surtut sin l'anticipaziun da las novas tecnologias – sco l'intelligenza artificizala u la calculaziun quantica – e sin lur potenzial per prevenir conflicts e stgaffir confidenza. Sa basond sin l'ecosistem unic da la Genevra internaziunala, vul la Svizra far da quest inscunter in motor duraivel da la scienza e da la diplomazia en il servetsch da la pasch.

**«Da Genevra a Helsinki:
process da fundaziun ed incumbensa
principala da la OSCE»
Berna, 3–4 da settember 2026**

La 18avla Conferenza internaziunala dals editurs da documents diplomatics (ICEDD) vegn organisada da Dodis (Documents diplomatics da la Svizra) cun il sustegn dal DFAE. Sin basa da documents d'archiv da plirs pajais permetta questa conferenza ina reflexiun istorica davart la fasa da creaziun e la raschun d'esser da la Conferenza davart la segirezza e la cooperaziun en l'Europa ch'è stada la basa per la fundaziun da la OSCE.

**«Deescalaziun en il cyberspazi:
mediaziun e diplomazia preventiva»
Zug, 29–30 da settember 2026**

Questa conferenza vegn a sa concentrar sin ils privels d'ina escalaziun en il cyberspazi e sin ils meds che la diplomazia preventiva e la mediaziun porschan per ir enturn cun quests privels. Ils stadis participants vegnan ad examinar la realisaziun ed il svilup da mesiras da confidenza da la OSCE en il sector da la cybersegirezza, la rolla dals mecanissem da consultaziun en cas d'incidentes pli gronds sco er las contribuziuns pussaivlas da l'intelligenza artificizala e dal sector privat. Ina sequenza pratica dal gener «exercizi da scenari» vegn a cumplettrar las sessiuns politicas.

La Svizra vegn a concluder l'onn presidial cun l'inscunter ministerial annual da la OSCE ils 3 e 4 da december 2026 a Lugano. Quai vegn ad esser in mument politic central per consolidar ils progress da l'onn e per dar nov schlantsch a la cooperaziun multilaterala ed al dialog.

Ils principis da Helsinki

**Egualitad
suverana
e respect dals
dretgs colliads
cun la
suveranità**

1

**Omissiun da
smanatschas
u dal diever
da la forza**

2

**Inviolabilitad
dals cunfins**

3

**Integritad
territoriala
dals stadis**

4

**Accumadaziun
paschaivla
da dispitas**

5

**Nunintervenziun
en ils affars
interns**

6

**Respect dals
dretgs umans
e da las libertads
fundamentalas**

7

**Egualitad dals
dretgs ed auto-
determinaziun
dals pievels**

8

**Cooperaziun
tranter ils stadis**

9

**Adempliment
en buna fai da
las obligaziuns
dal dretg
internaziunal**

10

**«L'onn 2026 surpiglia la Svizra
il presidi da la OSCE
cun ina persvasiun simpla:
cura che la diplomazia para d'esser
nunpussaivla, d'aventa ella indispensabla.
Nus stuain mussar,
che la OSCE è buna da satisfacer
a questa pretensiun.
En in mund instabil è la clerezza
ina responsabladad.»**

Ignazio Cassis
Chairman-in-Office

#OSCE26CH

**Website:
Presidi svizzer
da la OSCE
2026**

